



元代史書 二卷

元
代
史料刊
叢編
初編

黃山書社

元資治通鑑卷第五十八

元統六

起至大辛亥盡延祐庚申凡十年

仁宗聖文欽孝皇帝一

至大四年春正月癸酉朔帝不豫 庚辰帝崩于玉德殿在位五年壽三十一壬午葬起輦谷廟號武宗國語曰曲律皇帝 武宗當富有之大業慨然欲創治改法而有爲故其封爵太盛而遙授之官衆錫賚太隆而泛賞之恩溥至元大德之政於是稍變矣皇太子以脫虎脫等變亂舊章流毒百姓凡誤國者欲悉按誅之延慶使楊朵兒只諫曰爲政而首尚殺

非帝王治也。太子感其言，特誅其尤者。是日罷尚書省誅脫虎脫三寶、奴樂實保八主，罷流忙哥鐵木兒於海南。既而御史言脫虎脫等既就典刑，而黨附之徒布在百司。若孛羅鐵木兒、闊里吉思、烏馬等，奸貪害政。今中書方欲用爲各省平章、叅政等官，宜加罷黜，從之。尋復以行尚書爲行中書省，百司庶務復歸中書。罷城中都皇太子以司徒蕭珍、城中都徵功壽民，遂奪其符印，令百司禁錮之。凡中都所占民田悉還之民。召先朝舊臣知政務者老臣程鵬飛、董士選、李謙、張驢、陳天祚、尚文、劉正郝、天挺、董士珍、蕭

與劉敏中王思廉韓從益趙君信程文海十五人詣
闕同議庶政天祥等五人不至譙至首陳九事正陳
八事皆欲朝廷守成憲開言路重名爵節財用興學
校定律令舉切時弊 丁酉以雲南行省左丞相鐵
木兒爲中書右丞相太子詹事完澤集賢大學士李
孟並平章政事 二月甲子太陰犯填星 御史臺
臣上言雲宗總攝所統江南爲僧之有髮者不養父
母避役損民迄追收璽書銀印勒還民籍僧人訴訟
悉歸有司從之 命中書平章李孟領國子學諭之
曰學校人才所自出卿等宜數詣國學課試諸生勉
之

其德業 是月罷康里脫脫爲江浙行省左丞相脫
脫下車進父老問民間利病咸謂杭城舊有便河通
江汴湮廢已久若疏鑿以通舟楫物價必平僚佐或
難之脫脫曰吾陛辭之日密旨許以便宜行事民以
爲便行之可也俄有詔禁作土工脫脫曰敬天莫如
勸民民蒙其利則災沴自彌土功何尤焉不一月河
成 先是皇太后欲用陰陽家言令太子即位隆福
宮御史中丞張瑄言當御大明殿太子悟三月庚寅
遂即皇帝位於大明殿 詔凡尚書省誤國之臣先
已伏誅同惡之徒亦已放殛百司庶政悉歸中書命

丞相鐵木迭兒平章政事李孟等從新極治可大赦天下 帝諭中書省臣曰卿等哀集中統至元以來條章擇曉法律老臣斟酌重輕折衷歸一頒行天下俾有司遵行則抵罪者庶無寬抑又諭太府監丞曰財用足則可以養萬民給軍旅自今雖一繪之微必言於朕毋輒予人 遣宦者李邦寧釋奠於孔子邦寧既受命行禮方就位忽大風起殿上及兩廡燭盡滅燭臺底鐵鐫入地尺許無不拔者邦寧悚息乃成禮邦寧因慚悔累日初帝在東宮邦寧知書院等畏帝英明乘間言於武宗曰陛下富於春秋皇子漸元資治通鑑

卷五十八

長父作子述古之道也未聞有子而立弟者武宗不悅曰朕志已定汝自往東宮言之那寧慚懼而退及帝即位左右咸請誅之帝曰帝王曆數自有天命其言何足介懷夏四月丁卯詔曰我世祖皇帝叅酌古今立中統至元鈔法天下流行公私蒙利五十年於茲矣比者尚書省不究利病輒意變更旣創至大銀鈔又鑄大元至大銅錢鈔以倍數太多輕重失宜錢以鼓鑄弗給新舊恣用曾未再朞其弊滋甚爰咨廷議允愜輿情皆願變通以復舊制其罷資國院及各處泉貨監提舉司買賣銅器聽民自便應尚書省

已發各處至大鈔本及至大銅錢截日封貯民間行
使者赴行用庫倒換楊果兒只曰法有便否不當視
立法之人爲廢置銅錢與楮幣相權而用古之道也
何可遽廢耶言雖不用時論是之帝御便殿李孟
進曰陛下御極物價頓減方知聖人神化之速敢以
爲賀帝蹙然曰卿等能盡力贊襄使兆民乂安庶幾
天心克享至於秋成尚未可必今朕踐祚曾未踰月
寧有物價頓減之理朕託卿甚重茲言非可賴也孟
魏謝帝諭集賢學士忽都魯都兒迷失曰向召老巨
十人所言治政汝其詳譯以通仍諭中書悉心舉行

五月癸酉八百媳婦蠻與大小徹里蠻寇邊命雲南王及右丞阿忽合以兵討之陝西侍御史趙擇廷諫曰蠻夷事在羈縻先朝用兵不已致亡失軍旅誅戮省臣今第當選重臣知治體者付以邊寄兵宜勿用也不聽六月甲子上大行皇帝尊謚曰仁惠宣孝皇帝已巳衛皇阿木哥入見帝諭省臣曰朕與阿木哥同父而異母朕不撫育彼將誰賴其賜鈔二萬錠他勿援例帝覽貞觀政要諭侍講阿林鐵木兒曰此書有益於國家其譯以國語刊行俾國人皆誦習之閏月戊申李孟感帝知遇頗以國事爲已

任見當時賜予太廣名爵太濫風俗太侈僭擬無章每
勸帝言人君之柄在刑與賞刑不足懲賞不足勸何
以爲治帝在懷州深見吏弊旣即位欲痛剷除之孟
曰吏亦當有賢者在激厲之而已帝曰卿儒者宜與
此曹氣類不合而曲爲保護如此真長者之言也時
承平日久風俗奢靡車服僭擬上下無章近臣恃恩
求請無厭時宰不爲裁制孟言貴賤有章所以定民
志賜與有節所以勸臣下請各爲之限制帝皆從之
孟在政府雖多所補益自視常若不及請解政權避
賢路帝曰朕在位必卿在中書朕與卿相終始自今

元史卷一百一十五

卷一百一十五

五

其勿復言賜爵秦國公御書秋谷二字以賜識以重圖其像命詞臣贊之每入見稱曰道復而不名又爲治第孟曰所望於陛下者非富貴之謂也悉辭不受已未諭省臣曰昔世祖注意國學如不忽木等皆蒙古人而教以成材朕今親定國子生爲三百人仍增陪堂生二十人通一經者以次補伴讀著爲定式旣而孟等言方今進用儒者而老成曰已凋謝四方儒士有成材者請擢任國學翰林秘書太常或儒學提舉等職俾學者有所激勸帝從之詔自今勿限資級果賢能雖布衣亦用九月丙午遙授湖廣平章

安國王陳益稷入見言臣自世祖朝來歸妻子皆爲國人所害朝廷授以王爵又賜漢陽田五百頃俾自贍以終餘年今臣年幾七十而有司拘臣所受田就食無所帝謂省臣曰安南國王慕義來歸宜厚其賜以懷遠人其賜勲爵授田如故李孟言每歲支鈔六百餘萬錠又土木營繕百餘處計用數百萬錠內降旨賞賜復用三百餘萬錠北邊軍需又六七百萬錠帑藏見貯止十一萬餘安能周急浮費宜悉停罷帝納其言罷諸營繕時都水監傳旨給驛往取杭州所造龍舟省臣諫曰陛下踐祚詔天下非宜索毋得

擅進誠取此舟有平前詔遂命止之 己未復以阿
散爲平章政事 丙寅以徽政使羅源爲大司徒
十二月乙未省臣復言祖宗選法憑黜陟以示激勸
今官未及考或無故更代或獵等進階僭授國公丞
相等職諸司已裁而復置者有之今春以來內降旨
除官千餘人其中欺僞豈能盡知壞亂選法莫此爲
甚帝曰自今凡內降旨一切勿行

皇慶元年壬子春正月庚子帝諭御史大夫塔思不
花曰凡大臣不法卿等劾奏毋避朕自裁之 壬戌
制進翰林國史院秩從一品帝諭省臣曰翰林集賢

儒臣朕自選用毋輒擬奏人言御史臺任重國史院
左重蓋御史臺是一時公論國史院是萬世公論勅
博選中外才學之士居之 二月丁卯朔徙大都路
學周宣王石鼓于國子監 五月丙申朔以中書平
章政事阿散爲左丞相江浙行省平章張驢爲平章
政事 加知樞密院事也先鐵木兒開府儀同三司
壬寅禁諸王毋得以農時出獵擾民至十月方許
獵 六月乙丑朔日有食之 時朝廷封拜繁多群
臣無功而受王公之爵者前後相繼丁亥罷封贈戒
左右勤職業勿妄僥倖加官御史中丞郝天挺言自

元續治通鑑

卷三十八

七

先帝即位之時大事初定故於左右三五有功之人爵之太高遂使近幸之臣因而相襲王公師保接迹於朝比者雖令追卹裁罷曾未經歲又復紛然昔人云服之不衷身之災也是以朝廷名器重則升斗之祿足以鼓舞豪傑名器濫則雖日拜卿相而人不勸矣又言國初設官在內湏三十月在外湏三周歲考其殿最以爲黜陟比者省院臺部之臣久者一二歲少者三五月甚有旬日之間而屢遷數易者奔走往來之不暇又安能宣風布化叅理機務哉乞自今惟大臣可急闕選授其餘內外大小官屬必候任滿方